

皇明通紀法傳全錄

皇明通紀法傳全錄卷之十

東莞 陳建 著 西湖 高汝棧 訂

雲間 吳楨 增刪 高 鼎燔 萬化 正

壬申洪武二十五年正月、俞通淵進軍首克銀賴洞、及  
三門合水、古州、蒲洞、克銅鑼蠻、二月克龍里四寨、克西  
洞、及赤沙上黃、洪州、迷洞、三月克楊湖、三達、及龍寨、兩  
洞、俘斬蠻賊數多、諸洞悉平、通淵班師回京、上以通  
淵屢立戰功、克繼父兄遺烈、封越嵩侯、賜券世襲、○穎  
國公傅友德、請懷遠等縣官地為田園、上曰、爾食祿  
數千、而猶請地、獨不聞公儀休事乎、德慙而退、○靖江  
皇明法傳錄 卷十 高皇帝

此與續相  
國之意異  
同

王守謙卒

皇祖親親  
之仁至矣  
如靖江之  
不憐何  
賴有此子

按守謙南昌王孫文正子也初文正有罪謫死桐城  
上青守謙于宮中教訓甚篤既長俾之靖江而陰賊  
奸險狎比小人肆為淫虐上未忍置于法召還京  
師戒諭之守謙復肆怨望作詩譏刺上復客貨使  
居鳳陽力田冀知稼穡艱難以保富貴經七年以其  
久歷艱苦復其爵鎮雲南奢縱如故軍民怨咨猶不  
忍置罪仍召還安置鳳陽益復橫恣強取牧馬暴掠  
一鄉乃召至京笞而禁錮之至是卒以其長子贊儀  
頗好學能書世襲其職

升陝西寧夏衛副千戶何忠為指揮僉事先是忠以管  
軍士缺伍削官令副千戶郭德代之忠乃詣闕自陳  
上問曰爾非萬戶何勝孫乎忠對曰是也上諭兵  
部曰忠之祖勝昔為萬戶克滁和二州有功及渡江父

漢紀

並遵諸王  
得授兵事  
制者緣此

討建昌叛  
首

震亦從征有功、後勝父子俱死、行間今忠雖坐軍律、當  
免、然念其祖父、宜報之、於是宥忠罪、陞爲本衛僉事、  
四月二十五日、皇太子允炆薨、謚曰懿文、○上慮殘胡  
爲患、命並邊諸王、訓將練兵、御奉天門早朝罷、與皇長  
孫議及口占詔勅、賜諸王內一款云、常歲訓將練兵、驗  
視周迴、封疆險易、造軍器務要精堅、堪用、庶使姦邪、難  
以口舌惑聽、命修撰許觀、練子寧、編修吳言信、執筆聽  
命書之、上顧皇長孫曰、汝諦閱之、當使邊塵不動、胎  
汝以安也、○建昌叛酋、月魯帖木兒、叛詔都督聶緯、總  
兵討之、命其俟藍玉至、則緯爲之副、五月、玉至罕東、欲

縱兵深入其將佐多有言會霖雨積旬河水泛急不得  
已由隴石抵建昌使四川都指揮使瞿能率兵討焉能  
率兵至雙狼寨破之擒僞千戶段太平等其衆大潰月  
魯帖木兒遁去能督兵追捕進攻托落寨拔之月魯帖  
木兒復遁去能復追轉戰而前破水關寨及上廬寨追  
至打冲河三里所與月魯帖木兒遇大戰又敗之俘斬  
者無筭官軍入德昌進至水西斬其把事七人其截路  
寨上酋長沙納的皆中流矢死能攻天星臥漂諸寨皆  
克月魯帖木兒復遁入栢興州于是玉親提兵至遣百  
戶毛海以計誘之并其子胖伯遂擒其衆遣送月魯帖

樂善不淡

木兒至京、伏誅、因於邛部築城、置越衛、鎮守之、

選秀才張宗濟等、俾隨詹事府、左右春坊、分班直入華蓋殿、侍講畢、近前說民間利害、田里稼穡、間陳古今孝弟忠信、文學材藝、日以爲常、

七月 上御右順門、與侍臣論治道、因及理亂、上曰、

爲治之道有緩急、治亂民不可急、急則益亂、撫治民不可擾、擾則不治、故烹鮮之言、雖小可以喻大、治繩之言、

雖淺可以喻深、○教官訓導有給由到京者、上問民

間疾苦、尙嵐州學正吳從權、山陰縣教諭張恒、皆以守

職在學、于民事無知對、上以二人概言不知詐也、乃

孜孜爲民  
於詢問疾  
苦宛然其  
飢已溺心

陽  
謂學識不  
必知民事  
將謂守令  
遂不必知  
學校乎

經術以經  
世不知民  
情世務何  
取腐儒爲  
哉

皇明法傳錄卷十一  
歷指古人身在田畝其心常在朝廷舉伊尹、甯戚、漢賈誼、董仲舒、唐馬周、宋李沆事以責之。復諭宋儒胡瑗爲蕪湖、二州教授其教諸生皆兼時務治民治兵水利算數等事當時得人皆繇其教授有法。今汝所言平日在學不出不出則所教何事民情不知世務不通所訓生徒雖有聰明賢才亦爲汝等所壞使天下教官皆效汝等所爲朝廷焉能得人。顧謂刑部臣曰若二人者並心不誠豈能爲聖賢之教。虛糜廩祿無補于時宜竄之極邊其以榜諭天下學校使爲鑒戒。○琉球中山王察度遣子弟學于國子監上喜禮遇獨優賜閩人三十六

姓善操舟者令往來朝貢

按琉球在海東南自福建梅花所開洋順風利船七日可至漢魏及唐宋不通中國隋嘗遣兵虜其男女五十人元遣使招諭亦不從洪武初國分爲三中山王察度山南王承宗山北王怕死芝皆遣使朝貢其俗以盈虛爲朔朔以草木爲冬夏人皆去髭鬚手羽冠毛衣無禮節好剽掠既遣入學于國學夷習稍變奉正朔設官職被服冠裳陳奏表章著作篇什有華風焉

命普定侯陳桓往陝西修連雲棧以入四川都督王成往貴州平險阻治溝澗架橋梁以通道路○頒醒貪簡要錄上諭廷臣曰四民之中士最爲責農最爲勞士

錄

之最貴者何讀聖賢之書明聖賢之道出爲君用坐享天祿農之最勞者何當春之時鷄鳴而起驅牛秉耒而



石心仁政

平東西將  
叛寇

耕及苗既種又須耘耨炎天赤日形體憔悴及至秋成  
輸官之外所餘能幾一或水旱蟲蝗則舉家遑遑無所  
所望矣今居官者不知吾民之艱至有刻剝而虐害之  
無仁心甚矣於是命戶部臣備錄文武大小官品歲給  
俸米之數以米計其用穀之數又計田畝出穀之數與  
其用力多寡而爲之書至是編成賜名曰醒貪簡要錄  
頒布中外俾食祿者知所以恤民○遣都督宋晟總兵  
征罕東西番叛寇俘斬七千餘人獲馬二千五百牛羊  
十萬而還○遣都督周典總兵討故元逆臣也速迭兒  
先是藍玉北征虜王脫古思帖木兒走至也速迭兒之

地爲所弑其部屬皆奔散來附至是典等進討追至微  
徹兒山大敗之胡寇自是不敢近邊者十餘年○時朝  
廷訪求通曉曆數推往知來試無不驗者必爵及封侯  
食祿千五百石山東監生周敬心上疏切諫皆切時弊  
疏奏上納其言自是北征之議稍息

疏意謂國祚修短在德厚薄非曆數可定使能修德  
則皇祚可傳萬世何必問諸小技之人又言連年遠  
征祇爲傳國寶之未得耳易曰聖人之大寶曰位何  
以守位曰仁是知仁乃人君之寶玉璽非寶也且曩  
國時趙先得寶而國不守五代之君皆得寶不旋踵  
而亡享國長久者莫如三代三代之時未有玉璽胡  
爲使兵革數動軍民困苦忽真正之寶而易無  
用之小寶也上嘉納之

上自懿文太子薨每御東角門對羣臣泣翰林學士

立皇太孫

劉三吾進曰皇孫世嫡富於春秋正位儲極四海繫心  
皇上無過愛上曰善廼立皇孫允炆爲皇太孫

高麗權知國事李成桂欲更其國號遣使來請命

上曰東夷之號惟朝鮮之稱最美且其來遠矣宜更之  
江夏侯周德興以帷簿不修伏誅○命馮勝王弼等往  
山西大同等處藉民丁立軍衛開種屯田

高汝棻曰國家設立屯田可當天下賦稅十之三四  
以今事勢觀之軍可行于腹裡衛所而極邊衛所未  
能盡舉也蓋虜勢日益猖獗戰士不解甲而以臥即有  
困安得耕且牛種器具從何給即能盡給乘間而耕  
不過克虜馬二久之秣耳故極邊屯田似未可盡舉  
自屯田廢而上庫金錢于邊做下枵腹以戰守則用  
盡歸于武弁衛盡此韓非所謂中飽者也中  
飽者必病病塞抱遠慮者將何策以待之

刑部尚書楊靖逮一武官將鞠之門卒檢其身得人珠一顆卒持至靖前僚屬方駭愕靖徐曰安有許大珠此必僞物侮人命推碎之因以上聞上嘉歎美其有四善焉以方孝孺爲漢中教授詔許水陸給舟車赴任至官日與諸生講習聖學蜀獻王聞其賢命世子受學名其讀書之廬曰正學

孝孺字希古台州寧海人父克勤知濟南府有異政孺聰穎絕倫雙眸炯炯一目十行俱下積寸爲丈雄邁醇深鄉人呼爲小韓子見典冊所載聖賢遺跡欣然有願奉之志從宋濂游同門多天下名士一旦盡出其下先輩如胡翰蘇伯衡皆自謂弗如孝孺顧未悅文藝恒以明王道爲已任進修所詣月異而歲不同世咸以爲朱程復出嘗卧病絕糧亦處之泰然洪武十五年以吳沉薦召見上喜其舉動端整謂

皇太子曰此莊士也當老其才以輔汝試重芝甘露  
論上每西試舉子輒親定高下注選至孝孺獨不  
註曰異人也吾不能用留爲子孫光輔足矣孝孺歸  
杜門著述若將終身至是復徵至上方重賞罰以  
其志存教化謂左右曰今非用孝孺時乃除是職

疏鑿溧陽銀堡東填河道

自十字港至沙子河凡三千九百六十丈又沙子河  
至縣胎堤凡三百六十丈計役嘉興等府州民丁三  
十五萬九千七百八  
崇山侯李新督其工

閏十二月翰林學士劉三吾罷三吾自陳嬖戶部趙勉  
夫婦坐法皆素失教誨當引退以勵廉恥吏部以聞遂  
免官○上患熱病危甚諸御醫進藥皆無効俄有赤脚  
僧詣闕下云天服尊者及周顛仙遣進藥視其藥一曰

溫涼藥二斤一日溫涼石一塊其方用金盆盛石磨藥注之沉香醃以服上服在未時至酉末遍體抽掣藥之効也其藥味香若菖蒲而醃底凝朱紅彩迥異是夜病愈精神日強

史吳楨曰仙藥神丹世亦有之卒無所考卽周顒仙進藥事最奇最驗秦皇漢武求不死之藥于海上而卒不得聖祖不求而自獻于金門豈非爲一身長久計者天固靳之爲聖躬造福者神自歆其重邪

西定侯沐英卒于雲南英聞皇太子薨號慟不輟遂至失聲飲食爲少追封黔寧王謚昭靖贈三代皆王爵

英爲人寬弘沉著識明而見高謀深而慮遠臨事果斷賞罰明信用兵如神有功不伐居貴不驕凡得上賜悉以給將士故能得其死力其鎮雲南也簡官無修惠政引姦寇興學校治水利通益井來商旅墾

田至一百一萬二千畝軍食歲足恩威並施教化大  
行雲南遂為樂土。按雲南在前代皆為蠻貊異域  
至我朝乃聲教覃敷文物蔚然與中土埒國我  
太祖天威神算之所致而傳頡公沐黔寧二臣之績  
亦不可誣也黔寧四子皆才長春襲西平侯嗣鎮雲  
南沉勇存父風屢討平蠻寇洪武末年次戍仍襲西  
平侯永樂中以平交趾功進封黔國公卒追封定遠  
王次昂任都督亦嘗總兵鎮守雲南次斯尚公主長  
附馬都尉

癸酉洪武二十六年正月、中軍都督僉事徐司馬卒

司馬御賜名字從政世為揚州人元季兵亂司馬生  
九歲無所依上得之養以為子既長出入侍左右  
屢從征伐有功歷陞中軍都督僉事二十五年帥師  
征越雋還至成都疾作至是卒司馬好文學溫恭謙  
讓撫綏士卒賑恤貧窮尤敬士大夫公事之暇退居  
一室肅然如韋布之士自少富貴家無餘資云

東莞何迪作亂廣東指揮使司遣平擊之送京伏誅○

軍士亦能  
上書言事  
國初吉路  
之開可知  
官事而郎  
授以官  
聖祖納諫  
之懷又可  
知

錄世王林達  
考六保

二月遼東開元衛軍士馬名廣上言五事命禮部擇其  
可者行之授吉安太和縣縣丞○考入覲官員治行以  
雲南左布政使張統爲天下第一賜璽書以勞之曰曩  
者討平西南夷命官撫守爾統實先往任今五年言出  
則諸夷聽服令布則四海懽忻皆由誠信相孚克共厥  
職今年來朝不待考而朕知其出乎天下十二牧之首  
故嘉汝績復命仍治黔南○晉王統山西河兵出塞捕  
虜○曹國公李景隆市馬西番○殺涼國公藍玉吏部  
尚書詹徽

按王始以常開平妻弟從征累功至大將所向多克  
捷素狼戾不學恃功橫暴莊奴假子數千嘗奪民田  
皇月去專象  
卷十 高皇帝



一言殺身  
殺之謂也  
大傷元氣

民誦之御史王執御史桂而逐之北征還私載無算  
北度喜奉關關吏以夜不即納毀門而入上聞之  
怒會有訐其陰事者上詰責之玉不為意每侍上  
宴容止倜儻總兵在外專黠陟刑罰至違詔出師迨  
征西歸意望進爵時已封涼國公上命加太傅玉  
不喜曰吾功不得為太師乎及奏事上不允玉退  
曰疑我矣遂為逆謀錦衣衛指揮蔣麟上告捕訊  
上集羣臣廷訊玉強辯轉展拳柔不肯服吏部尚書  
詹徽叱玉吐實無徒梓連人王大呼曰徽即吾黨遂  
并殺徽時霍慶侯張翼昔定侯陳桓綏德侯朱壽吉  
安侯陸仲亨南雄侯趙庸靖寧侯葉昇翰林與籍孫  
賁等數百十家皆坐逆黨凡戮數萬人  
高汝拭曰徽同子性殘忍用法好刻嘗陷李善長竟  
生死惡解釋為王朝用草疏救善長并中綹危法  
盡文太子嘗囚錄囚獄有所出徽輒文附重法且密  
言于上謂太子妄有縱舍太子為囚自執先  
人言謂太子曰爾所言者情也徽所持者法也太  
子因言立國以仁厚為本上不悅曰待汝傲皇帝自  
為之太子懼因感疾卒謂建文君曰詹徽殺我及建  
文為皇太孫監餼錄監獄徽輒王恐相株連故促殺

王上聞之命併鞠廢既服大孫令先斬  
後手足戮于市人皆以爲天道之報云

頒布制錄

上以諸司職有崇卑政有大小無方冊以著成法恐後  
之蒞官罔知職任政事施設之詳乃命吏部同翰林院  
儒臣倣唐六典之制自五府六部都察院以下諸司凡  
其設官分職之類類編爲書至是始成名曰諸司職掌  
詔刊行頒布中外○驗封主事翟善署吏部事尋爲尚  
書上自卽位以來封賚功臣皆稽考前代典禮凡封  
爵祿食禮儀等差悉倣唐宋之制其間因時損益皆適  
其宜然諸功臣多武人不知書往往恃功驕恣踰越禮  
分甚或肆情廢法奢僭不度及藍玉以反誅籍其家見

相內帑以  
糴粟

汲長孺  
詔方得開  
倉發粟  
法遠不及  
我明矣

其服舍器用僭侈踰越。上因詔翰林院稽考漢唐宋  
功臣封爵食邑之多寡及名號虛實之等第編輯爲書  
名曰稽制錄。御製序文頒示功臣使之朝夕省覽以退  
其僭奢。

三月。上諭戶部曰。朕捐內帑之資付天下耆民糴粟  
以儲之。正欲備荒歉濟飢民也。若歲荒民飢必候奏請  
道途往返動經數月則民之饑死者多矣。爾戶部卽論  
天下有司自今凡遇歲饑則先發倉廩以貸民然後奏  
聞著爲令。

四月。太白經天京師大旱求直言錄囚徒。

五月陝西民有坐事謫戍邊妻病留中途其弟夫婦請代往監送者聽之御史責弟不當代兄并罪監送者其人訴于朝上曰弟之代兄義也監送者能聽其代是亦有仁心矣命賜其弟道里費而併賞監送之人○魏國公徐輝祖崇山侯李新奏考稽制錄所載公侯家人及儀從戶存留如制餘請給付有司上命發鳳陽謀籍爲民

六月郁新茹常嚴震直爲戶兵工部尚書

八月詔褒異浦江鄭氏累世同居家範克篤里人王氏効之遣官簡拔二家子弟年三十以上者赴闕旣至今

自推舉、乃以鄭濟爲左春坊、左庶子、王勲爲右春坊、右庶子、

浦江鄭氏、自其祖綽教子孫、勿異愛、至濟傳十世矣、食指至千餘人、用賦各有司、凡出納、雖絲毫咸有文可覆、無敢私、諸婦惟事女工、不使與家政、子孫訓行孝謹、執親喪、哀毀三年、不御酒肉、家畜所馬、一出、則一爲之不食、其家僅施慶、居親喪、哀泣不輟、亦三年、不御酒肉、其所感如此甚多、至是尚書嚴震直述其家世孝友以聞、遂有是詔、

勅宗人有文武才能堪任用者、宗人具名上考驗、眠轉如常選法、宗人有罪、宗人府卽訊量、罰降爵重者、奪爵爲庶人、不用刑、

九月復以劉三吾爲翰林學士、○河南按察司僉事王

平巡按至孟津有司歛衆財以賂平平械其人并所賂來奏上嘉平得憲臣體命賜平文綺襲衣及鈔百錠書吏衣鈔減平之半仍以勅書勞勉之○頒大成樂器于天下今有司如式制造以祀孔子

十月徙封岷莊王于雲南

十一月封皇子穗爲谷王以劉璟爲谷府長史提督調燕代肅遼慶寧六府事○擢泰州訓導門克新爲左贊善紹興府教授王俊華爲右贊善時天下學官入覲者上親詢以民間政事得失在列者多應對不稱旨獨克新敷奏亮直俊華善文辭故有是擢上召二人謂之

直言

永鑑錄

世臣總錄

皇明法傳錄

卷十

十一

曰朕所以左克新而右俊華者重直言故也。

十二月永鑑錄成頒示諸王其書輯歷代宗室諸王爲  
虐悖逆者以類爲編直叙其事又輯歷代爲臣善惡可  
勸懲者名曰世臣總錄頒示中外羣臣

甲戌洪武二十七年正月勅建壽廷侯關羽廟于鷄鳴  
山之陽與歷代帝王及功臣城隍廟並列通稱十廟云  
○詔武官子弟習騎射○上諭工部曰人之常情安於  
所忽飽則忘饑煖則忘寒不思爲備一旦卒遇凶荒則  
茫然無措朕深知民艱百計以勸督之俾其咸得飽煖  
比年以來時歲頗豐民庶給足田里皆安若可以無憂

重賦之宜  
勞心民事

也。然預防之計不可一日而忘。爾工部其諭民間。但有隙地。皆令種植桑棗。且授以種植之法。又令益種綿花。率蠲其稅。歲終具數以聞。

此外一有  
所偏其失  
已多況聲  
色二者之  
交攻耶

二月都督劉德商。謁巡視兩浙防倭。上與侍臣論人主聰明不可使有壅蔽。學士劉三吾曰。人君惟博集衆論。任用賢能。則視聽廣而聰明無所蔽。若信任奸邪。隔絕賢路。則視聽聰明爲所蔽矣。上曰。人主以天下之耳目爲視聽。則是非無所隱。而賢否自見。昔唐玄宗內惑於聲色。外蔽於權姦。以養成安史之亂。及京師失守。倉皇出幸。雖田夫野老皆能爲言。其必有今日者。玄宗



雖恍然悔悟亦已晚矣夫以田夫野老皆知而玄宗不知其蔽于聰明甚矣使其能廣視聽任用賢能不爲邪妄所惑則亂何從生哉

三月廷試進士賜張信等及第出身有差信浙江海寧人○都督楊文魏國公徐輝祖安陸侯吳傑練兵防倭○却安南朝貢○詔免孝子郝安童軍役

按安童永州新陽縣人父玄戍定邊已卒安童補役以母老無他兄弟供養且有姑守節老而無依上書自陳上憐之復其身

六月上與侍臣論曰昔楚莊王謀事而當羣臣莫能逮朝而有憂色魏武侯謀事而當羣臣莫能逮朝而有

既憂  
聖此非庸  
詰

喜色。夫喜者矜其所長。則志滿。志滿則驕。驕則淫佚。敗  
日至矣。憂者憂其不足。則志下。志下必能虛心而受人。  
則人孰不樂告以善道。故莊王卒霸諸侯。以興楚國。武  
侯侵暴鄰國。而魏業日衰。故人君遜志納善。入臣以道。  
事君。則天下之事無不濟矣。

八月遣監生人才督天下吏民修農田水利。○詔賜文  
武百官鈔命宴于醉仙樓。

時海內太平。上欲與民偕樂。乃命工部作十樓。江  
東諸門外。令民設酒肆。接四方賓旅。其樓有雅鳴。醉  
仙。謳歌。鼓腹。來賓。重譯等名。既而  
又增作五樓。至是皆成。故有是詔。

九月。青州府日照縣民江伯兒。以母病。割脇肉食之。不

大孝以中  
正爲主說  
異之爲  
聖朝必不  
貴也

惟此可以  
致其太甚

愈乃禱于岱嶽祠誓云母病愈則殺子以祀旣而母病  
愈竟殺其三歲子祭之有司以聞上怒曰父子天倫  
至重禮父爲長子三年服今百兒無故賊殺其子絕滅  
倫理亟捕治之勿使傷壞風化遂逮伯兒杖一百謫戍  
海南因命禮部定議旌表孝行事例行于天下禮部議  
曰人子之事其親居則致其敬養則致其樂有疾則托  
之良醫投以善藥至于呼天告神情文懇切之至此爲  
人子所當爲也臥冰割股前古所無雖出于後世亦是  
間見至若割肝殘害尤甚且如父母止有一子割肝割  
股或至喪生臥冰或至凍死使父母無依宗祀永絕反

聽其所為  
不為旌表  
其得其餘

寰宇通志  
卷十

為不孝之大者此皆愚昧之徒務為詭異以驚世駭俗  
希求旌表規避徭役割股不已至于割肝割肝不已至  
于殺死違道傷生莫此為甚自今人子遇父母有疾醫  
治弗愈無所控訴不得已而割股臥冰亦聽其所為不  
在旌表之例詔從之○寰宇通志書成

按此書分為八目東距遼東都司又自遼東東北至  
三萬衛西極四川松藩衛又西南距雲南金齒南逾  
廣東崖州又東南至福建漳州府北至北平大寧衛  
又西北至陝西甘肅為驛九百四十所浙江福建江西  
廣東之道各一河南陝西山東山西北平湖廣廣西  
雲南之道各二四川之道三為驛七百七十六凡天  
下道里縱一萬九百里橫一萬一千  
七百五十四里四夷之驛不與焉

勅諭禮部曰自古國家建立法制皆在始受命之君以

如預知建  
安中事者

後子孫不過遵守成法以安天下。蓋創業之君起自廁  
微。備歷世故。艱難周知。人情善惡。恐後世守成之君。生  
長深宮。未諳世故。山林初出之士。自矜已長。至有好賊  
之臣。徇權利作聰明。上不察而任之。變更祖法。以敗亂  
國家。貽害天下。故日夜精思立法垂後。永爲不堪之典。  
如漢高祖刑白馬。誓曰。非劉氏者不王。以後諸呂用事。  
遂致改其法。至國家大亂。劉氏幾亡。此可以深戒者。朕  
少遭亂離。賴皇天眷命。剪除羣雄。混一天下。卽位以  
來。勞神焦思。定制立法。革元弊政。至于開導後世。復爲  
祖訓一編。立爲家法。俾子孫世守之耳。禮部其以朕

民心于情  
兩得其所

傳友德卒  
王弼卒

祖訓頒天下諸司俾知朕立法垂後之意永爲遵守後世敢有言更改祖法者卽以奸臣論無赦

十一月阿資復叛西平侯沐春討之阿資走○鳳陽府泗州盱眙縣耆民劉本等詣闕言知縣方素易在職三年民受其惠今以母喪去官乞留復任從之復遣使勅往勞索易受賜詣闕謝恩復命賜宴於禮部陞辭請歸喪母而後任詔許之○女直部野人寇遼東命都督宋晟劉真率兵討之○考定王國合祀山川諸神

十二月定遠侯王弼卒○永平侯謝成坐法下獄死○

上與羣臣論天與日月五星之行翰林應奉傳藻典籍

黃麟考功監丞郭傳皆以蔡氏左旋之說爲對。上曰：天左旋，日月五星右旋，蓋二十八宿經也。附天體而不動，日月五星緯乎天者也。朕自起兵以來，與善推步者仰觀天象，二十有三年矣。嘗于天氣清爽之夜，指一宿爲主，太陰居是宿之西，相去丈許，盡一夜則太陰漸過而東矣。由此觀之，則是右旋。此曆家亦嘗論之。蔡氏謂爲左旋，此則儒家之說。爾等不析而論之，豈所謂格物致知之學乎？○安南遣使奉表貢方物，却之。上諭禮部曰：安南篡弒，不許朝貢。有司不先請命而擅納其使，亟遣責之，仍却其貢，之不受。○以翰林院修撰任亨太。

爲禮部尚書○詔刊行韵會定正時洪武正韻頒行已  
久上以字義音切未盡命翰林將前太常博士孫吾  
典所編韻書本末賁公紹韵會重加較正三吾曰古今  
韻會凡字切必祖三十六母音韻歸一因以書進上  
覽賜名韻會定正命刊行之

高汝拭曰四聲而後韻書始于沈約類譜唐人詩賦  
設科如專用之稱禮部韻畧吳棫毛晃劉淵之倫多  
所增省信者益寡若賁公紹元人韻會所引有蒙古  
韻目今生爲明人自應遵洪武正韻不則宗四詩古  
韻蓋洪武正韻高皇帝所御製當時受詔作者千  
有一人質成者四人凡六易岬裁爲七十六韻二十  
六卷天下學士大夫如奉典律三百年間大率用之  
朝廷故事他所祖構猶墨守類譜何居夫喜律詩用  
禮部韻不獨試科應制其上下酬酢答贈皆如之宋  
元亦然今洪武正韻禮部韻也願不從當世之禮部



韻而從前唐律夫爲下不信所失寧在聲音也哉郭  
明龍先生曰宋文憲謂聲韻莫備于四詩詩皆孔子  
所刪舍孔子勿之從而惟沈約之是信以爲大惑又  
曰唐以後各有禮部韻唐人自遵唐韻若用黃公紹  
韻會不幾夷有而夏亡耶士大夫寧畔制不  
忍負沈約亦獨何與杜因偶觸而併記及之  
郭正域曰韻者六書中諧聲之學也不以意不以形  
不以事而惟諧其聲古無韻音而其所用韻卽十五  
國風之詩地不同而聲同上自朝廟君臣下及閭閻  
夫婦人不同而聲同六經及古歌謠曲調不同而聲  
同今一一而譜之靡有出入蓋先王之世善既同文  
而又通行六岳考律同度典樂之官依永和聲夫樂  
律聲音韻之本也同文則無異字和聲則無異音三  
代而下俗字日增而方音各異南北平仄不啻胡越  
近體詩惟宗唐韻而今所傳韻類卽唐禮部韻也故  
唐詩宗之入明文章家以古韻爲騷選中州韻爲詞  
曲古韻有叶有轉中州韻以入爲平近體韻不可入  
古古韻不可入絃管而詞韻不可入詩何多端也天  
三百篇皆詩也皆曲也皆樂也古韻卽管絃也則何  
詩韻非詞韻乎近日支流愈多而聲音愈不可調矣

昔人譏柳子厚輩皆讀書不識字。今以韻學觀之。奚以異是。

榜示天下。寺觀僧道。不許奔走于外。交構有司。以書冊稱爲題疏。強求人財。其一二人于崇山深谷。修禪及學。全真者聽。三四人。不許。毋得私。剏菴堂。若遊方問道。自備路費。毋索取于民。所至僧寺。揭周知冊。驗實不同者。送有司問。克軍不許。私自削髮。違者。父母坐罪。詔凡親王及功臣。賜謚。令禮部行翰林院。擬奏請。旨。

洪武之尚爲吳也。諸功臣死。事及有勞。而天者皆榮公侯之爵。而傳之謚。其于宗室諸子王。尚有評。卽魯秦二王。律命之曰。荒日愆。不以子故廢天下公。故終高帝世。文臣弗謚也。武臣卽都督弗贈侯伯。弗謚也。至是文而待制王禕。得謚文節矣。文臣之有謚。自禕始也。其謚小臣者。亦自禕始。永樂制嚴矣。終太宗。

世文臣之得謚者僅姚恭靖廣孝胡文穆廣而恭靖  
之爵則公也文臣之有謚僅夾穆一人洪熙初始大  
合故臣凡勞于國值于青宮三品而上易名者十餘  
人而後文臣之謚廣然宣英之代猶斤斤焉持其柄  
而不輕予故文臣之有榮愿也則瑕弗掩也文宗之  
以爵也文憲之以事也庶幾寓貶矣婦人之有謚也  
自后妃而外則死節也公主之有謚也自仁宗之  
憚愛女始也乳媼之有謚與乳媼之夫之有謚也亦  
自宜宗始也方士之有謚也自世宗始也諡而  
四字淫矣而使方士得之益淫矣當世宗之季又  
得二字焉及文憲持秉則同列皆中謚及身以罪死  
易世而後率復所得者中下謚也繼而嚴氏持秉則  
其子爲市馬非上所甚注懷者必賂而後得卽得  
之不腆不上謚及身以罪竄削弗謚也夫謚者人主  
之春秋尊則稱天以命之不尊則與天下共諒之而  
奈何爲大臣修怨賈利地也然則如之何其必畧採  
唐末故事遇大臣以謚請有俞旨則翰林之司篆者  
爲議而定二謚焉以投禮科科詳之復議而上之閣  
臣復衷而取上裁凡文臣二品以上及勛臣親公  
必謚侯伯之蒞軍府加保傅必謚謚兼美惡二品以

下自卿佐以迄庶僚有能行政術亦有謚謚則言官請之神部裁亦有美無惡可也。自國初以至先後勛臣若傅友德徐輝祖之類文臣若章溢唐鐸胡璩魏源之類武臣若劉玉馬永王效之類諫臣若楊瑄黃鞏王思楊爵之類儒林若吳與弼陳獻章胡居仁之類文苑若李夢陽何景明楊慎李攀龍之類追之以謚可也。勛臣若李善長馮勝廖永忠耿炳文丘福之類文臣若陳循徐有貞之類追之以謚謚而不盡蔽瑕可也。又若于謙者易之以謚可也。凡此數者皆謂與天下鉉張瓚者易之以謚可也。凡此數者皆謂與天下共隙之操法于賞罰之外而勿使人得而議其後者也。

改鑄監察御史印先是既分察院爲河南道每道鑄印二其文皆曰繩愆糾繆守院御史掌其事若無事則藏印于內府有事則受印以出復命則納之至是副都御史袁太言各道印篆相類乃命改其制守院印十

三如浙江道則曰浙江道監察御史印其巡按印則曰巡按浙江監察御史印餘亦如之惟浙江江西直隸府州縣事煩劇每道印十餘皆五

高汝拭曰國初止有刷卷御史而無巡按等差是以憲綱獨裁刷卷條式其云內而監察御史外而按察司則按察司權甚專重可徑舉刺迨後設巡按又設巡撫則舉刺不專行矣今各省按察司到任布政司首領及六房參見布政司官到任按察司首領六房吏則否猶有初設之意巡撫巡茶巡馬提學清軍巡關御史皆稱欽差巡按則否蓋代巡也各道分巡食事官五品其印直篆文與總司三品製同其餘司印文除玉筋篆外文皆九疊惟御史印八疊柄九孔可係之以行總兵印乃九顆柳葉篆云

太子太師穎國公傅友德暴卒

友德爲將英姿颯氣猛奪虎貔出奇制勝并敵如神鐵騎長驅橫騖千里威震朔南以虜及蠻夷咸畏之

故能推陷廓清。佐成一統之業。論開國功者。必以大  
王爲首稱。然以頴公之勲。較之其猶在寧河東。漢之  
上。與開平岐陽。比肩者乎。卒以黨禍。身既暴亡。爵亦  
無襲。今六王後。咸復侯封。而無人爲頴公訟之者。惜  
哉。

### 立茶馬法

高汝拭曰。蕃人以茶爲命。中國以茶易馬。非徒資戰  
用。且以制其死命也。國初立金牌之制。名曰差發馬。  
所以專朝廷體統最善也。乃後蕃族。自有變易金牌  
之制。難據矣。于是有輪年招易之規。招易者。卽互市  
之意。然于體統已失。願自正德後。廢給銀之令。行抽  
分之法。于是官商皆得易馬。而蕃馬盡易于商。茶矣。  
夫抽分法。偶因官幣一時之匱。暫爲權宜之舉耳。乃  
至今循而不改。何哉。

### 定文武入朝次序

常朝。鄒奉天門鼓動。文武官各以次候之。棕棚下  
就止。鐘鳴。門啓。文由左掖。武由右掖。分兩大班。東西相

向立焉至立金臺上後一內使捧寶座進御高聲  
云安定了上方坐定執靜鞭四人鳴三聲而退蓋  
取意四邊靜云鴻臚唱入班文武各照品級序立唱  
一拜三叩頭分班閣老翰林由東階上立金臺左下  
錦衣官由西階上立金臺右下給事中立階下之東  
鴻臚通政官立階下之西御史序班東西夾御道稍  
南立鴻臚奏朝見謝辭官品口單諸朝見謝辭官  
在午門外行五拜三叩頭禮外官退去京官仍進隨  
班立錦衣官傳嗽一聲諸文武官皆嗽御史左右皆  
焉而北立御史在前序班在後每班六員御史首班  
仍留其一待侍外收錄史入續立亦六云既定則鴻  
臚司奏通政司過通政司官過跪後唱引通政司人  
通政司官將吏戶兵工五部所干事宜奏序班引  
進奏人在後每奏先吏部以次具奏吏部等官亦以  
次趨進承旨各退三法司另有日奏是故不同各部  
也具奏事畢鴻臚傳呼六科六科相向過跪吏科奏  
云旨意題本簽光一日旨意俱列奏之以防壅蔽兵  
科奏云守衛官軍揭帖蓋該日守衛姓名奏之以戒  
嚴守也奏畢吏科轉遞兵科兵科轉遞接本內官舊  
制官中不時將銜匙或它物投之紫禁城下以試守

衛嚴否、次早起風給事中引宿衛將軍、執所役物件、  
在後奏云、某日夜、某更、遞出鑰匙一把、引來奏、知十  
物、則稱宅物、其防計詳密、周慎、貽謀遠矣、鴻臚又唱  
云、奏事、侍班御史夾御路、直行三步、轉上御階、跪、劾  
奏某官某事、差錯、合當拏問、請 旨、如 旨、命當駕  
官、則當駕官承 旨、如 諭三法司、則法司承 旨、  
三法司見有劾奏、亦已立階下、伺候矣、百官無不肅  
敬、鴻臚官復奏事畢、候 駕起、方退、正所謂從來不  
信叔孫禮、今日方知天子尊是已、故詳紀之、

皇明通紀法傳全錄卷之十

終



皇明通紀法傳全錄卷十一

東莞 陳 建 輯著 西湖高汝拭 訂

高鼎煥  
其珍 正

乙亥洪武二十八年

正月鎮守雲南西平侯沐春討越州叛酋阿資斬之先是越州蠻龍海子阿資據龍窩縱殺掠累爲民害朝廷命諸將率兵數萬征之出師無功自後無敢議伐者得肆猖獗春復討之衆以爲難進兵紫溪山擒其黨者宗春謂衆曰歷年不獲此寇者彼恃其地多險阻及各處土酋皆姻婭得以匿之今調土酋悉從征設謀羈絆俾

不能通復多置營堡相犄角制其出入授首必矣乃進兵至赤窩果獲阿資泉其首以殉并誅同惡三百餘人由是蠻夷震服

四月宋晟兵過溫腦江分兵爲三道遂至鎖兒口與虜戰大敗之斬獲千餘人又逐北路野人皆敗遁去乃旋師

宋晟鳳陽定遠人永樂三年封西寧侯

停造遼王宮室勅武定侯郭英曰遼東軍務物情來者多言其艱苦况邊境營繕不宜盡力以困之今役作軍士皆强悍勇力善戰之人勞苦過多心必懷叛故往往

聖祖用心  
遠勝故撫  
摩無不中  
疾

野蠶成繭

聖祖廣大

逃伏草野山澤間乘間劫掠近者高麗表奏言多不實  
朕已命有司究之此其意必有深謀今遼東乏糧軍士  
饑困倘不卽發沙嶺倉廩賑之必啓高麗招誘逋逃之  
心使高麗出二十萬人以相警諸軍何以應之命營繕  
造作暫宜停止且令立營屋以居十年之後再爲之古  
人言人勞乃易亂之源深可念也

七月河南確山縣野蠶成繭群臣表賀上曰野蠶成

繭足以衣被天下之人朕當受賀一邑之內偶爾何用  
賀爲

八月命征南將軍左右副將軍韓觀宋晟叅議軍事兵

部尚書唐鐸帥師討廣西龍川土官趙宗壽及奉議南丹向武等州叛蠻

按趙宗壽土官趙貼堅之姪也洪武初貼堅稱藩納款誠事朝廷及其已故其妻乃與安置鄭國公常茂結爲婚姻誘合諸酋肆爲不道朝廷諭宗壽捕茂延緩侵命故與師問罪

貴州土官阿主作亂都指揮顧成討平之○信國公湯和卒先是和旣歸鳳陽暮年多疾上眷念之每歲必一召入覲賜以安車入殿庭宴資備至相對語舊勞撫摩感泣賜緡鈔預爲塋葬之資至是卒上嗟悼輟視朝親爲文授使者以祭封東甌王謚襄武塑像功臣廟復配享太廟上之初起兵也和爲滁陽王部曲率

先推戴聽命惟謹願上嘉焉思體之隆時莫與比

按王沉殺質直勇而善斷不妄發言人間因治一詩不遺行師校任奉詔而行少領家臨敵果敢堅忍未嘗挫衄有語及兵書者輒笑曰臨陣決機在智敏達何泥古為家畜膝妾自餘暮年皆資遣歸賞賜多惠鄉鄰父老及孤寡無告者孫徽勛居丹徒景泰元年巡撫周忱薦其才校錦衣百戶尋陞正千戶從揚緒趙榮使凡刺還陞指揮僉事充參將延綏虜寇邊遇害徽勛才智敏捷知兵善談論能文詞

龍州土官趙宗壽伏罪來朝命楊文等移師奉議等處九月燕王進呈永清左衛龍門東嘉禾一莖三穗者二本二穗者六本上親製嘉禾詩賜之○徙岷王國于雲南

六月己丑御奉天門勅諭文武群臣勅曰朕自起兵至

聖祖宣六  
律今行之  
已久奈何  
犯者相繼  
由是出五  
刑之法以  
治之歟民  
畏而不犯  
刑亂國用  
重典也又  
曰作大誥  
以昭示民  
罔使知所  
趨避有臧  
等之制刑  
新用經典  
也非違十  
刑之輕重

今四十餘年親理天下庶務人情善惡真偽無不涉歷其中奸頑刁詐之徒情犯深重灼然無疑者特令法外加刑意在使人知所警懼不敢輕易犯法然此特權時處置頓挫奸頑非守成之君所用常法以後嗣君統理天下止守律與大誥並不許用黥刺剔劓閹割之刑蓋嗣君官內生長人情善惡未能周知恐一時所施不當誤傷良善臣下敢有奏用此刑者文武群臣卽時劾奏處以重刑又曰自古三公論道六卿分職自秦始置丞相不旋踵而亡漢唐宋因之雖有賢相然其間所用者多有小人專權亂政我朝罷丞相設五府六部都察院

者不能

皇明祖訓  
成

洪武六年  
祖訓錄已  
作更改相

通政司大理寺等衙門分理天下庶務彼此頤頤不敢  
相壓事皆朝廷總之所以穩當以後嗣君並不許立丞  
相臣下敢有奏請設立者文武群臣即時劾奏處以重  
刑○詔免太平應天寧國鎮江廣德今年合納官秋糧  
盡行蠲免少蘇前日之勞○又詔以山東布政司供給  
遼東軍裝山西北平軍需民勞已甚今年應納官秋  
糧盡行蠲免

閏九月皇明祖訓成 上自爲之序曰朕觀自古國家

建法立制皆在始受命之君富時法已定人已守是以  
恩威加于海內民用平康蓋其創業之初備嘗艱苦閱

益直至洪  
武未始定  
厥惟期哉

語、自問  
歷過來故  
出之有慧  
使請者

人既多歷事亦熟比之生長深宮之主未諳世故及僻  
處山林之士自矜已長者甚相遠矣朕幼而孤貧長值  
兵亂年二十四委身行伍爲人調用者三年繼而收獲  
英雄習練兵部方謀與群雄並驅勞心焦思慮患防微  
近二十載乃能剪除強敵統一海宇人之情僞亦頗知  
之故以所見所行與群臣定爲國法革元朝姑息之政  
治舊俗汚染之徒且群雄之強盛詭詐至難服也而朕  
已服之民經世亂欲度兵荒務習奸猾至難齊也而朕  
已齊之蓋自平武昌已來卽議定著律令損益更改不  
計遍數經今十年始得成就頒而行之民漸知禁至于



心搖骨

聖主不可  
及處還左  
此

後人復爲祖訓一篇。立爲家法。大書揭于西廡。朝夕觀覽。以求至當。首尾六年。凡七謄稿。至今方定。豈非難哉。蓋俗儒多是古非今。好更嘗舞文弄法。自非博采衆長。卽與果斷。則被其眩惑。莫能有所成也。今令翰林編輯成書。禮部刊印。以傳永久。凡我子孫。欽承朕命。毋作聰明。亂我已成之法。一字不可改易。非但不負朕垂法之意。而天地祖宗。亦將孚佑于無窮矣。嗚呼。其敬戒之哉。

按洪武六年。祖訓錄已作。更改損益。直至洪武末始定。恭誦聖祖訓。謂生長深宮之主。未諳世故。及僻處山林之士。自矜已長。自古國家治日常少。亂日常多。無不緣此爲戒。遠矣。

更定親王歲祿萬石。并定郡王將軍中尉主君祿。郡王

子除嫡長子襲封外餘皆授鎮國將軍食祿一千石群  
王孫授輔國將軍食祿八百石郡王曾孫授奉國將軍  
食祿六百石玄孫授鎮國中尉食祿四百石五世孫授  
輔國中尉食祿三百石六世孫以五世授奉國中尉食  
祿二百石皇女曰公主食祿二千石親王女曰郡主食  
祿八百石郡王女曰縣主食祿六百石郡王孫女曰郡  
君食祿四百石曾孫女曰縣君食祿三百石玄孫女曰  
鄉君食祿一百石

按自成化以來宗室分封日繁日盛一遇歲歡常賦  
不足以供親王而多減半支給矣然近年宗室愈  
繁盛雖減半支給而賦猶難更數千百年  
當益置廟堂之處而不可無變通之術矣

高汝材曰國朝分封諸王體統甚重其後裔衍族屬益疏又以祿糧支給仰哺有司于是積釁日以稟薄耳冬十月冊馬氏爲皇太孫妃光祿寺卿馬泉女也○楊文等師至奉議州分兵勦向武都康龍英等州斬叛酋黃世鉄黃嗣徽等又征南丹州斬其酋莫金分兵勦六藤峽江南巖蓮花寨等處從賊擒戮其叛酋陸先公等餘悉撫定之擒賊共一萬八千餘人○開○設○奉○議○南○丹○潯○州○慶○遠○四○衛○向○武○池○河○懷○集○賀○縣○四○守○禦○千○戶○所○鎮○守○其○地○遂○班○師○○命○秦○王○將○兵○征○土○番○回○以○疾○薨○謚○曰○愍○

禮制集要

成

洪武志書

成

金祖備齊

之心同符

光齊

地即輔成

之子

十一月侍臣進講尚書無逸篇上曰朕嘗令儒臣書

于殿壁朝夕省問以為鑒戒今日講此深愜朕心聞之

愈益警醒○禮制集要成

十二月洪武志書成○是年給事中傅安郭驥使西域

丙子洪武二十九年

正月杜澤為吏部尚書○上罷朝從容問左右民間事

禮部尚書門克新對曰聖澤深廣天下之民各安生業

幸蒙至治上曰雖堯舜在上不能保天下無窮民若

謂民安業朕恐未然何遜言至治○權韓觀都督同知

賜第京師○選才問右以浦江鄭沂為禮部尚書鄭幹

洪範所謂  
凡厥正人  
既富方穀  
亦用人之  
一道

為監察御史

按洪武中多選用稅戶人材湖州富民嚴震直授布政司參議累官至尚書蘇州富民沈萬四有係日珍擢戶部員外郎珍受官辭祿上器重之如丘願湯行之屬皆大元

思聰可謂  
不辱君命

詔緬國王罷兵解爭緬人聽命復遣行人李思聰錢古訓齋詔諭思倫等倫等聞詔恐懼俯伏謝罪願罷兵迺其祁首刁幹孟叛思聰等以朝廷威德諭其祁衆叛者稍退思倫等欲倚使者以服其下強留思聰等又以象馬金寶為饋思聰為書諭却之以謂中國不以象馬金玉為寶所寶者忠臣烈士強兵勇將孝子順孫宜送使者還朝自此不敢為侵擾斯可以明忠君之心思倫等

大喜。邀思聰等設宴爲樂。率其和衆送之境上。思聰等還。具奏其事。且著百夷傳紀述其山川人物風俗道路之詳以進。上以其奉使不失職。謂其才可用。甚喜之。各賜衣一襲。禮部尚書任亨泰奉使安南。私市蠻人僕事。覺。降爲監察御史。

三月。寧王權奏言。近者騎兵巡塞。見有脫輻遺于道上。言胡兵往來。恐有寇盜之患。上曰。胡人多奸。示弱于人。此必設伏以誘我軍。若出軍追逐。恐墜其計。于是勅燕王選精卒壯馬。抵大寧。全寧。沿河南北。覘示胡兵所在。隨宜掩擊。燕王率諸軍北至徽徽兒山。遇胡兵與戰。

擒其首將索林帖木兒等數十人追至兀良哈禿城遇哈刺兀復與戰敗之遂班師

以董仲舒從祀孔子廟廷罷莽大夫楊雄從先是行人司副行人楊砥上疏言孔子廟廷從祀諸賢皆有功于世教若漢楊雄嘗仕王莽忝列從祀以董仲舒之賢反不與焉事干名教甚為乖錯宜及時改正黜雄進仲舒以彰公典上從其言

砥後陸湖廣左叅議庚辰間以言事謫遼陽成祖即位起鴻臚卿昔宋文天祥榜有劉已者失身降元議者謂如以差蝦轉合蘇香也砥不忠於所事而為鴻臚卿則能詆楊雄而於已背焉豈非工訶古人而敢於起已者乎

八月頒表箋文武式于天下。前是諸司所進表箋多務奇麗。上厭之。乃命劉三吾、王俊華等撰慶賀謝恩表。箋成式頒於天下。人皆便之。

高汝拭曰：昔象山人謂景祐元末遺儒內附仕本學教諭。惟表箋禍斬于市。斯禍也。起于左右一言。初洪武甲子。開科取士。衡意右文。諸勲臣不平。上謂之曰：世亂則用武。世治宜用文。非偏也。諸勲進曰：是固然。但此輩善識。初不知覺。正如張九四厚禮文儒。反請其名。則曰：士誠。上曰：此名甚美。答曰：孟子有士禍起矣。至是頒有成式。則人心安而不測之禍消矣。復免應天五郡今年秋稅。

九月大賚致仕武臣。諭之曰：元末兵爭。中原鼎沸。人不自保。爾諸將臣從朕效謀宣力。共平禍亂。勤勞備至。天



精至之言  
自能感動

頒稽古定  
制

下既定論功行賞使爾等居官任事子孫世襲永享富貴朕思起兵時與爾等皆少壯今皆老矣久不相見心恒思之故召爾等來所賜薄物以資養老爾等還家務教子孫以終天年諸臣皆感激叩首謝有墜淚者

十月甲寅晦皇曾孫文奎生太孫允炆長子也上以十月數終又生于晦日命內庭勿賀

十一月詔翰林院議定制凡官民房屋墳塋等第及食祿之家禁例爲書名曰稽古定制頒行天下以修撰張信爲侍讀編修戴瑛爲侍講諭之曰官翰林者雖以論思爲職然既列近侍且夕在朕左右凡國家政治

聖祖厚以  
古人斯望  
臣子寧忘  
有之

得○失○生○民○利○病○當○知○無○不○言○昔○唐○陸○贄○崔○郾○李○絳○之○徒○  
在○翰○林○皆○能○正○言○講○論○補○益○當○時○顯○聞○後○世○爾○等○當○以○  
古○人○自○期○毋○負○朕○權○用○之○意○以○部○督○顧○成○充○總○兵○官○  
掛○征○南○將○軍○印○率○貴○州○都○司○軍○馬○征○勦○水○西○不○納○糧○差○  
蠻○夷○

十二月攻破濶水。尅宗那革買母龍等關寨。斬首三千  
餘級。俘二千餘人。成有勇畧。鎮貴州二十餘年。前後剿  
平峒寨。擒斬蠻賊。不可勝計。諸夷惜服。

按成楊州江都人。永樂初。封鎮遠侯。開國  
功臣。至永樂方封侯者。惟米成。顧成二人。

復永州府知府余彥誠十人官。初彥誠與齊東知縣鄒

敏等十人先後坐事逮獄至是其耆民具列各官善政請闕以請上嘉之賜彥誠等襲衣靴鈔遣還仍給耆民道里之費

丁巳洪武三十年

正月命長興侯耿炳文武定侯郭英巡西北以備胡寇既而漢沔盜高福興等爲亂復詔耿炳郭英討平之○諭川陝守邊衛所嚴禁私茶出境之禁○白虹亘天貫日○命都督楊文往遼東採練軍馬提調屯田

二月會試天下貢士翰林院學士劉三吾安府紀善白信指爲考試官取泰和宋宗等五十二人中原西北士

子無預者。

三月殿試賜進士以聞縣陳郊爲第一被黜落者咸以爲言。上怒命儒臣再考下第卷中擇文理優長者復其科第。於是侍讀張信侍講戴葵贊善王俊華司憲司直張謙校書嚴叔載正字董貫二府長史董章紀善周術蕭梅等受命閱卷或傳三吾與信相受其所屬以卷之最陋者進呈。上閱卷驗之果以不堪文字奏進益怒謂其胡藍餘黨命刑部拷訊惟三吾信相及司憲爲藍黨餘皆胡黨惟戴葵不與焉。招宥三吾謫戍邊餘皆凌遲于市。於是覆閱取六十一人皆北人也。

六月朔殿試再策問以山東韓克忠為第一仍賜進士及第出身有差○翰林院學士劉三吾暴卒

太祖嘗欲易太子學士劉三吾痛哭曰太子天下本若欲易之置秦晉二王於何地忤旨降為傅士尋復學士易儲事竟寢考聖祖果有此意矣但歷千考嘗欲立朕為嗣則知聖祖果有此意矣但歷千素晉二王而不果爾迨洪武末二王相繼薨而聖祖臨亦晏駕使更待一二年在此位其立文皇為嗣無疑而天下免數年戰爭之苦矣嗚呼豈胡運錄所謂殺運猶未除耶

張壽政錄

頒為政錄要十有三條其事載文武官屬體統及僉書

古川上卷  
洞鑿作記

素續次第軍士月給糧餼與宿衛之禁屯田之政○古州上婆洞蠻林寬作亂聚攻龍里守禦千戶吳德鎮撫

吳德非子

并孚令人馳報貴州都司堅守以待其援賊攻燒益急

德曰。我等爲國守邊。又有父母在城。今賊勢如此。若城不能守。父母不能救。是不忠于君。不孝于親。吾何用生爲。卽率麾下馳入賊陣中。殺數十人。搏戰不已。遂中毒弩死。孚繼戰。亦死于陣。城遂陷。事聞。上曰。忠孝立身之大節。能克全者。古人所難。今吳德并孚臨難捐身。因忠顯孝。非烈丈夫不能。命追贈德爲指揮僉事。孚爲正千戶。各令其子襲職。仍以鈔帛恤其家。

四月。晉王燕王練兵備虜。○陞刑科給事中張思恭爲刑部右侍郎。人有暮夜以金遺思恭者。思恭却不受。其人委金而去。詰旦。思恭言于朝。上善思恭有守。遂陞

其官仍以其金賜思恭。○令民有一材一藝者得自陳效。用。○命燕王築大同城。

五月天下講讀大誥。師生來朝者凡十九萬三千四百餘人。並賜鈔遣還。○夜有星大如鷄子。自天厨入紫微垣。有二小星隨之。至游氣中沒。上以天象示變。占比方當有警。乃勅晉燕代遼寧谷六王勒兵備虜。○駙馬都尉歐陽倫有罪。賜死。先是立茶馬司於陝西四川等處。令西番納馬易茶。以私茶出境者斬。關隘不覺察者處極刑。時駙馬倫奉命西使。以巴茶私出境貿易。倚勢橫擾。藩閫皆阿順不違。倫令陝西布政司移文所屬起

車載茶渡河州。倫家人有周保者，索車至五十輛，蘭縣河橋巡檢司史某被撻不堪，以其事聞。上怒，以布政司官不言，并倫賜死，保等皆伏誅。

按倫尚帝女安應公主，高皇后所生也。國初行法之嚴，雖貴戚至親，不少貸如此。是以法必行而天下之民家其福。

七月 上諭群臣曰：凡人所為，不能無過舉，而其心則有公私。但當平其心以觀之。若其心本公，而所為之事不當，此則識見未至。若緣私意而有謬戾者，此則其故為之也。君子小人於此可見。然君子之過雖微必彰，小人之過雖大弗形。蓋君子直道而行，不事掩覆；小人巧

便人之道  
無以喻此



於修飾多所隱蔽人君不察于此則君子小人莫辨矣  
○勅楚王湘王率其軍築銅鼓城

八月詔諸王府宜各守定制不許私有興造勞吾民匠  
若有應須造作而不可已者必奏請方許

九月 上命戶部下令天下人民每鄉里各置木鐸一  
內選年老者每月六次持鐸徇于道路曰孝順父母尊  
敬長上和睦鄉里教訓子孫各安生理毋作非爲又令  
其每村置一鼓凡遇農種時月清晨聚衆鳴鼓皆會出  
所及時力田其怠惰者里老人督責里老縱其怠惰不  
勸督者罰又令凡遇婚姻死喪吉凶等事一里之內互

相賜給不限貧富隨其力以資助之庶使人相親愛風俗厚矣○停遼東海運

十一月 上御奉天門見散騎舍人衣極鮮麗問制用幾何曰五百貫責之曰農夫寒耕暑耘早作夜息蠶婦繰絲緝麻纓績手成其勞既已甚矣及登塲下機公私遭索交至竟不能爲己有食惟粗糲衣惟垢敝而已今汝席父兄之庇生長膏粱紈綺之下農桑勤苦渺無聞知一衣制及五百貫此農夫數口之家一歲之資也而爾費之于一衣驕奢若此豈不暴殄自今切戒之

十二月 上不豫廷臣數問安勅之曰昔有元治世民

魏乎不  
與也  
手如傷  
合舜禹湯  
文武為一  
人夫

庶父安何期至正之君失于勤民慢于事神由是假手  
群雄倡亂華夏兵興之時朕潛草野不得已而從戎當  
時倡亂稱尊者幾人恣為吞併自相磨滅如此者十有  
七年朕西定荆楚東平吳越北撫華夏為衆所推戴定  
鼎金陵國號大明改元洪武三十年于茲朕壽亦七十  
矣靜而思之非皇天眷命安得居天位若是久哉古語  
云天不與首亂豈非朕無心于天下以救民為心故天  
特命之乎近者失調受疾卿等頻來問安禮也堯舜禹  
湯文武之世皐夔稷契伊傅周召為之臣其有志匡王  
一也朕以此示卿等宜竭忠修職副朕至懷○平緬蠻

才幹孟叛逐宣慰司思倫發倫發奔至京師上憫之命西平侯沐春爲征虜前將軍都督何福爲左將軍徐凱爲右將軍討之上諭之曰強臣爲亂勢不自容奔走至此欲謀還國非將勇兵強不可得也朕今送爾至雲南與西平侯且駐兵江上先遣腹心之人往國中諭爾還國之意以觀向背且立衛騰衝以觀其勢若威遠幹已朝廷他郡亦皆聽命則才幹孟叛逆之感自消矣于是以兵送思倫發于金齒使人諭才幹孟幹孟陽請入貢而陰實拒命春遣左軍都督何福瞿能等將兵五千往討之福等躋高良公山直搗南甸大破之殺其酋

刁名孟斬獲甚衆回兵擊景罕寨寨乘高據險堅守不下官軍糧械俱盡賊勢益甚福使告急于春春率五百騎往救之乘夜至怒江詰旦徑渡令騎馳躡寨下楊塵以警之賊乘高望見塵起蔽天不意大軍卒至警懼遂率衆降春乘勝復擊崆峒寨賊夜潰走刁幹孟乃遣人乞降事聞朝廷以其誕詐復授春征虜前將軍令俟變以討之春後病卒刁幹孟竟不降而何福率兵往討竟擒刁幹孟以歸思倫發始得還平緬是時都督僉事徐凱亦執木瓦寨叛酋賈哈刺送京師伏誅

賈哈刺此土蠻也以土師克處昌授以指揮畢領其部落後與月魯帖木兒叛走據十木瓦寨其地險峻

三面半絕下臨大江山港悍急不可行舟惟一草僅  
可通人行官軍至輒日上投石遂為所拒不得進及  
是就等至斷其汲道以困之寇不得水日  
就窮促就督將士直抵其寨而攻之就擒  
戊寅洪武三十一年

正月曹國公李景隆還自京師先是景隆奉詔齎金牌  
勘合直抵西番令各番酋納馬易茶凡用茶五十餘萬  
斤得馬一萬五千五百餘疋回京分給京衛騎士○廣  
西右叅將劉真克平徭賊遂定奉議南丹等因建州縣  
衛所及指揮使司○春以齊秦為兵部尚書

秦溧水人初名德洪武丁卯應天府鄉試第一得受  
知千上改賜今名初授禮部主事一日雷震謹身  
殿上躬禱于天擇九年無過官員陪祀秦預焉乙  
亥進兵部左侍郎至是進尚書嘗被召問邊將姓名

秦歷動無遺又欲考諸國籍秦出松  
中手則以進甚悉自是益承卷遇

三月晉王薨謚曰恭○勅遣遣將分道率兵從燕王代  
遼寧谷王出兵北平禦虜以都督楊文總兵北平叅贊  
燕王武定侯郭英副總兵宋晟從遼王出開平○置成  
都聖慶保寧三府及橋州宣慰司茶倉三所收貯茶課  
聽商人交易及與西番市馬○上病少間輦出御右順  
門召諸醫官治疾無狀者盡付獄獨召戴元禮至榻前  
曰汝仁義人也事無預汝無恐

按戴元禮名思恭以字行金華人學于昇溪朱彦修  
初仕御醫事太祖藥餌倅效風雨即免元禮朝  
太祖崩太孫即位誅諸侍醫者獨拜元禮太醫院  
使達爾王肅莊王慶靖王皆奔喪至京聞太孫宣

太祖諱天問勞元禮簡王趙仁義  
字大軸莊王靖王為贊諫賜元禮

閏五月乙酉上崩於西宮

肅代者五  
事一橫夷  
扶以收諸  
武二聲南  
服以一天  
下三威勝  
國而鋒銳  
不交四射  
創業而臨  
馭最大五  
申祖訓而

上以天縱之資起自田里遂成大業當是時元政凌夷  
豪傑並起大者竊據稱尊小者連數城邑皆恣為殘虐  
糜敝生民天下大亂極矣上在民間憫然傷之已而  
為衆所推戴拒之益來乃不得已起義兵即條法令明  
約束務以安輯為事故所至撫定民咸安堵十餘年間  
盜滌群雄戡定禍亂平一天下雖曰天命人歸要亦神  
武不殺之所致也即位之初稽考古文制禮作樂修明  
典章興舉廢墜定郊祀建學校尊孔子崇儒術育賢才



上初不識  
書錄退朝  
暇延接講  
論退于侍  
詔命今揮  
筆立就罷  
混于古命  
侍臣立揭  
下膝舐授

註洪範。敘九疇。罷黜異論。表章經術。正百神之號。嚴祭祀之典。察天文。推曆數。定封建。謹法律。慎賞罰。撫四夷。海外遠方。皆遣子入學。南極炎徼。北逾冰壤。東西際日月之所出沒。罔不率服。昧爽臨朝。日宴忘餐。虛心清問。從善如流。神謀睿斷。昭見萬里。退朝之暇。即延接儒臣。講論經典。取古帝王嘉言善行。書寘殿廡。出入省觀。斥侈靡。絕遊幸。却異味。罷膳樂。泊然無所好。敦行儉朴。以身爲天下先。凡詔詰命令詞。皆自製。淳厚簡古。洞達物情。戒諭臣下。動引經史。諄切懇至。聽者感動。訓勅子孫。臣庶具有成書。詔法萬世。謹宮壺之政。嚴宦寺之防。杜

商皆淳雅  
高簡出經  
入史非天  
機之至焉  
竟能此

國初馭下  
多從重典  
凡官吏稍  
有罪罪懷  
即未煖而  
悉就誅貶  
若果有異  
政朝下儆  
而夕朱紫

主明治傳錄卷十一  
外戚之謁而家法尤正紀綱法度彰彰明備至於禮先  
代罷獻俘尊高年孝弟勵農桑蠲逋負宥死刑焚獄具  
旌廉能黜貪酷摧奸暴佑良善寬仁愛人專務德化是  
以身致太平三十餘年民安其業吏稱其職海內殷富  
諸福之物莫不畢至功德文章巍然煥然過古遠矣傳  
稱唐虞禪夏后殷周繼然成湯革夏乃資亳衆武王代  
商爰賴西師至于漢高雖起徒步尚藉亭長挾縱徒集  
所附上不階寸土一民呼吸響應以有天下方冊所  
載未之有也於戲盛哉况生而神明屢有異徵日章天  
質鳳采龍姿聲如洪鍾奇骨貫頂故元時太史言聖人

是以有位  
循良百職  
履奉

子子不忍  
仁其親之

生江淮按讖索之竟不能得蓋天啓大明隆盛之運  
實生聖人以膺景命夫豈偶哉在位三十一年升遐之  
日天下哀慕如卒考妣永樂元年六月丁巳尊謚聖  
神文武欽明啓運峻德成功統天大孝高皇帝廟號  
太祖

戊寅洪武三十一年閏五月十六日皇太孫卽皇帝位  
○以明年爲建文元年大赦天下

皇太孫治喪禮被髮哭踊哀動左右勅有司喪儀悉  
遵周禮于是敕金膝遺制前朝後殿左右角門及西  
宮內寢各設座如生存凡十一所所有久不御者卽以  
香湯洒掃之陳祖訓于東直殿設重罽于西直殿京  
官四品以上朝服執錢立于諸陛之上自初十以至  
十六日哭臨如禮晝不飲勺水夜不就枕簾先是  
皇月卡學辰

庶人子弟  
也不法如  
此

沃孝至仁

遺詔止耕  
王臨葬  
太祖神明  
獨地必非  
無所見而  
然也

太祖不豫，多暴怒，遺遺數者甚衆。太孫人侍，事必躬承，服藥則親嘗以進，去後則親杖以起，唾壺溺器之屬，靡不手提以獻，而顏色婉容，藹然可掬。太祖氣亦漸平，多所全宥，當深更夜分，侍衛酣寢，際呼無不應，應無不起，蓋終夕未嘗交睫也。太孫素豐腴，至是哀毀骨立矣。是日諸大臣迎之于大明門外，辟臣百姓望見其毀瘠之容，深墨之色，與哭泣之哀，莫不舉手加額曰：「天子純孝，舉朝喁喁，然有至德之思焉。」靖難錄，誣稱太孫奉太祖靈與后父呂本同祀西宮，厭禮之主斷不然矣。

是日葬孝陵，援遺詔止諸王會葬。時諸王自秦晉外，皆尊勸各擁三護衛重兵，地嫌勢偏，恐其窺伺，乃草遺詔諸王哭臨，惟在本國，毋得奔喪。又令王國所在吏民軍士悉聽朝廷節制。詔下，諸王皆怒。燕王入臨，將至淮安，齊泰言于帝，令人齎勅，勒使還國。

太祖建都金陵去遠者踰六七十里此勢時出  
沒塞下捕殺吏卒以故命並邊諸王得專制國中提  
兵防禦地大權重易以驕僭洪武中葉居升應詔陳  
言極論分封太侈太祖大怒擊死獄中後無敢復  
言者太孫既卽位曲加恩禮黃子澄及兵部尚書齊  
泰議欲稍削其權諸王遂與中朝浸相疑貳○朱鷺  
日止諸王臨葬計無失于此者上下從茲隙矣父  
子天性哀痛至情以背棄之日而弗克躬臨其葬其  
誰能忍之不勝忿忿生心固然曷足怪乎○又曰難  
端見矣遺詔先之也父兄不奔喪其何以今物符勸  
歸重猜疑耳曷益乎若詔書未至而文

詔行三年喪有司執例以請上出諭曰三年之喪

自天子達于庶人先太子殂向欲終之而不可得茲當  
大故敢不如禮有司奏曰天子之孝與庶人異當以宗  
社生靈爲重惡得徇庶人之節况遺詔在乎復傳諭曰

魏文帝胡人也猶能守禮况朕讀書知禮義不能遵古  
先王之定制爾等不欲朕行古禮是謂吾君不能也有  
司復奏曰陛下欲行三年之喪非敢謂不能也但郊社  
宗廟之際不可久虛朝貢訟獄之繁不可暫廢故漢文  
詔以日易月而歷代因之遺詔諄諄欲一如漢文行事  
其慮甚遠願陛下少抑至情俯循衆請復諭曰朕非敢  
效古人亮闇不言也郊社宗廟朕將執紼而行事朝貢  
訟獄罔敢不親但朝則麻冕麻裳退則齊衰杖經食則  
餽粥有何不可不然食稻衣錦爾輩真以爲安乎群臣  
奏曰陛下既不廢政事而自致衰情敢不惟命遂定儀

君道子耿  
天冬無欺  
學古通方  
帝之明與  
特顯聖德  
賢哉諸公

注以進○詔內外五品以上文武及縣令薦賢才定保舉連坐法

六月甲辰上皇祖考大行皇帝諡曰欽明啓運峻德成功統天大孝高皇帝廟號太祖皇祖妣孝慈昭憲至仁文德承天順聖高皇后尊母呂氏爲皇太后

皇太后太常卿呂本女文皇入金川時遣人送太后至進不得已起兵之故太后未還宮火起依徐王名燃居焉亡何遷居太子陵不知所終

立孝陵衛○革冗員○初省州縣

朱鷺曰撫世馭民代有機局紹洪武後而不知安靜以需至治是失局也建文帝志切養民而所爲多戾四年之間今日省州明日省縣今日并衛明日并所今日更官制明日更輔相官門殿門名題日新維

密度不明  
不能詳責

寒思是問  
初名臣也  
史稱其傳  
吏部與興  
淳沈故王  
神以青書  
之

明治傳金卷十一  
以于戈陸傳日不暇給而曾不少休一何擾也傳曰  
琴瑟不調甚者乃解而更張之當時甚乎不甚乎而  
衆此紛紛乎是  
正學之過也

以中書舍人蹇義爲吏部右侍郎戶部主事夏原吉爲  
本部右侍郎○命部尚書齊泰太常寺卿黃子澄預  
參國事○以平江知縣陳彥回爲徽州知府

按蹇義巴人初名瑤洪武十八年進士授中書舍人  
奏事稱旨太祖書義字瑒易名命滿九載且用之  
建文帝卽位太祖欲用義起歷吏部右侍郎原  
吉淵陰人鄉薦遊太學還入禁庶書諸受戶部主事  
有劉郎中爲忌欲陷之太祖并劉郎中于市建  
文卽位逾月卽陞戶部右侍郎齊泰溧水人受顧命  
輔皇太孫時諸王皆尊屬權重兵專制泰欲削之  
意露詔下諸王不悅謂此齊尚書疎間我也黃子澄  
分宜人洪武十七年貢入太學明年進士舉禮部第  
一授翰林編修歷修撰伴讀東宮累官至太常卿



建文爲皇太孫時坐東角門謂子澄曰諸王尊屬擁重兵奈何對曰諸王僅有護兵幾足自守萬一有變以六師臨之誰其能支漢七國非不强卒底亡滅小大強弱之勢不同而順逆之理異也太孫喜每呼子澄黃先生太孫卽位倚任子澄謂曰先生無忘東角門之言子澄頓首應曰不敢遂出與齊泰議削奪諸王兵權陳彥因字士淵莆田人洪武中以父故謫戍鎮南會赦貧不能歸依黃備黃姓已獲薦明經授保寧訓導陞平江知縣上卽位以文學廉幹知徽州府元年授循良賞是冬祖母郭卒承重徽父老走京乞留屢疏終喪不許勉蒞郡卽葬郭徽之北山時時哭墓下徽人名爲太守山後姓陳除其弟彥因籍

七月召漢中府學教授方孝孺爲翰林博士尋陞侍講直文淵閣從太祖先命也

按昔廷臣薦孝孺徵至太祖見之曰此莊士也當老其才以輔汝故有是命

以董倫為禮部侍郎兼翰林院學士王紳為國子監博士。

實心實行

有浪南慟  
哭記行世

按倫在勝國時累辟不起國初以薦徵為右贊善事懿文太子陳說忠厚太祖聞而善之擢左春坊大學士太子薨出為河南參議留民情民瘼嘗上封事數千言皆當太祖心尋以誑誤免官典教汝南至滇開心訓化不忍鄙夷其人雖蠻蠻發覺皆知向慕帝即位眷念舊臣召至京師遂有是擢賜書顧老堂三字及髮几王賜各一倫上表稱謝紳先翰林待制紳之子也紳使雲南為元孽梁王所殺紳甫十三與兄綬事母盡孝母卒哀毀踰禮未幾綬亦歿紳乳喪憂患中綜理生業而陳然負奇志暇日益取經史百家窮其指歸宋濂一見審之曰子充有後矣蜀獻王聞其賢幣聘教授蜀郡紳病父遺骸未返丘墓白其情王憫之給道里費以行至雲南訪求不獲死所哀莫號慟幾絕道路悲之至是給事中徐堪等薦之遂有是擢

景隆行徑  
如凡齊黃  
帝無平日  
乃復便尋  
經手

廢周王植為庶人。人有告王與燕、湘、代、岷四府通謀，帝召黃子澄與齊泰謀之。泰欲先燕，曰：「燕握重兵，素有大志，當先以不軌削之。」子澄曰：「不然，燕預備已久，卒難圖也。宜先取周，剪燕之手足，而燕因可圖矣。」乃命曹國公李景隆即訊景隆大索金寶，王不能應，坐反執之。及其世子闔宮眷屬送至京師，削爵為庶人，遷之雲南。○燕王簡壯士為護衛。

朱鷺曰：人臣無將，將則誅。然以手足骨肉之間，有異志，無叛微處之要，自有道。太上默銷之，賈誼之來建王父，儒之推恩是也。其次化諭之，至再至三而後加討焉。猶曰：議親之辭，不可過也。跡周王已事，第不能兢兢祇慎于法，叛謀未布，聞也。重以貪夫恣索，強坐不原，逼一王而諸王心駭，又可禁乎？相繼告變，雄懼

龍爭卒成大故伊誰咎也。大抵齊黃意躁于削國而慮不能遠正學志迂于法古而口不見近。人事實錯悞可謂盡天意耶。

八月加魏國公徐輝祖太子太傅。時燕藩選兵將練士馬以勾逃軍為名招致異人術士至者多以天命有歸為言由是靖難之志決矣。時建文帝尊禮賢士慕行古道民皆悅之。惟僧道衍號知兵且知天文謂圖大事必成。燕王密語道衍以人心所向對曰天之所造何論人心。自是遂以道衍為軍師。燕王妃輝祖之妹也。輝祖雖與燕王至親而心在帝室嘗召對密言燕情。帝信任之詔加太子太傅與李景隆同掌六軍。協

天之所造  
何論人心  
語帶疑氣

心在帝室  
南謂此臣

同謀圖燕

道衍長洲縣廣孝也。初祝髮為相城妙智菴僧。改法名道衍。字斯道。時相城重應觀道士。席應直嘗讀書學道法。兼通兵機。道衍師之。盡得其術。然深自晦藏。人無知者。已而至京口。賦覽古詩曰。焦虜年來戰血乾。烟花猶自半凋殘。五州山近朝雲亂。萬歲樓前夜月寒。江水無潮通鐵甕。野田有路到金壇。蕭梁事業今何在。北顧青青眼倦看。其黨宗泐見其搖膝高吟笑之曰。此豈釋子語耶。斯道斯道汝薄南朝矣。既而宗泐舉道衍往燕。住持北平慶壽寺。或薦道衍文武異才。燕王召見。問曰。爾能卜乎。廣孝操吳音。進對曰。曾會。即問襟出太平錢五啓。王自祝連擲之。睨王曰。殿下將無作皇帝乎。王叱曰。和尚勿謬說。道衍諫然而退。他日實告之。道衍進言。輒合。因薦相術。袁珙以決之。蓋道衍嘗遊嵩山。佛寺遇珙。珙相之曰。寧馨。胖和尚乃爾耶。目三角影白。形如病虎。性必嗜殺。它日劉秉衡之流也。道衍大笑。因此自負。王亦聞珙名。託以勾連軍丁。召珙至燕。使人與飲于酒肆。王易服。雜衛士中。亦入肆。珙一見。即趨拜。王前占

其為他日太。平。天子。王大。喜。館。珙。于。道。衍。僧。舍。世。傳。二。語。云。觀。宰。相。于。嵩。山。佛。寺。議。貢。王。于。長。安。酒。家。謂。此。也。王。時。時。與。道。衍。語。多。奇。秘。者。王。甚。重。之。道。衍。特。或。誤。爾。汝。王。前。王。弗。之。責。也。靖。難。之。圖。實。起。于。道。衍。

云

賜太學諸生高等襲衣束帶歸省親

祭酒程師周言諸生不可不使知大本甚有五年不歸省者今歸省孝養他日出仕庶諳忠君故賜歸士林相裕以焉太平盛事

召王景彰為禮部右侍郎兼翰林侍講○張統為吏部

尚書

按王景彰名景字以行松陽人洪武初起家教諭歷參政謫雲南上召入興修高廟實錄○張統富平人洪武中舉通經累官至雲南左布政使凡土地貢賦法令條格商祀公廨上下典禮經費挂歷悉統

張純有眼

平百夷

裁定夷民乎悅遠通莫安及召為吏部尚書滇人如  
失父母時朝廷更化旁求隱逸日就闕下悉委統試  
就議見精明振振拔港量才  
授任士大夫有彈冠之慶焉

徵江西處士楊士奇授齊府審理副留翰林充編纂官

士奇江西泰和人蚤孤力學于不釋卷長游楚中人  
皆慕之至是廷臣以名儒薦徵授教職時年三十六  
未仕留翰林充編纂官尋命吏部考第史館諸儒尚  
書張純奏士奇第一除齊府審理副明日復召入翰  
院

禮部尚書鄭沂免以雲南右布政使陳迪為禮部尚書  
○增國子監司業以學錄張智為之○命何福為征虜  
將軍總兵征百夷都督徐凱為副平之

九月罷築銅鼓衛城召徐輝祖吳傑還京○雲南總兵

程濟有許  
術不然而  
言之巧中  
耶

西平侯沐春卒

十月置陝西洮州茶馬司○召北平總兵都督楊文選  
京○熒惑守心四川岳池教諭程濟通術數上書言北  
方兵起期在明年朝議以濟妄言召人將殺之濟叩頭  
曰陛下幸囚臣至期無兵殺臣未晚也乃囚濟于獄

十一月詔顧成班師先是成以都督食事充征南將軍  
帥師征水西蠻既又征五開所向克捷至是征平州六  
洞等長官司一百三十七砦皆平之悉撫諭復業師還  
駐常德待命詔諭班師還京賞勞成及其副將何清宋  
晨韓觀有差○詔舉山林岩穴懷材抱德之士○謫前



監察御史解縉爲河南衛吏先是太祖令縉歸進學許十年來朝擢用未及期會太祖賓天縉趨赴臨有司劾其母喪未葬父年九十違詔奔喪遂謫河州○以工部右侍郎張昺爲北平左布政使以謝貴爲都指揮使時燕齊皆有告變者帝以問黃子澄曰孰當先討子澄曰燕王久稱病而日操練軍馬且招異人術士使在左右此其機已彰露討之不可不亟帝召齊泰問曰燕王素善用兵討之計將安出泰對曰今邊報北虜聲息但以防邊爲名發軍戍開平其燕府護衛精銳悉調出塞去其羽翼無能爲矣不乘此時圖之噬臍無益

以德化直  
雖是根本  
紆屬迂固

皇明法傳錄

卷十一

二十五

也。帝領之，乃擢用曷貴，俾察燕府動靜，徐爲之計。○  
遣代王桂如蜀，時代王貪虐，將爲不靖，方孝孺謂以德  
化導之，命往四川，受教于蜀王。○以王鈺爲戶部尚書，  
召鄭賜于安東，起鄭徒中爲工部尚書，黃福爲右侍郎，  
○封右都督沐成嗣西平侯。○召宋懌還京，以爲翰林  
學士。○以進士曾鳳韶爲監察御史。

十二月召漢陽知縣王叔英爲翰林修撰，叔英黃巖人，  
篤志立學，洪武中徵至京師，解還鄉，二十年薦爲仙居  
訓導，陞漢陽知縣，建文初方孝孺欲復井田，叔英貽書  
力阻之，其畧曰：天下之事固有行于古而亦可行于今

猶是通達  
對林之論

者。亦有行于古。而難行于今者。夏時周冕之類。此行于古。而亦可行于今者也。井田封建之類。可行于古。而難行於今者也。可行者行之。則人之從之也。易。難行者行之。則人之從之也。難從之易。則民樂其利。從之難。則民受其患。此君子之用世。貴得時措之宜也。召爲翰林修撰。上資治八策。曰。務學問。曰。謹好惡。曰。辨邪正。曰。納諫諍。曰。審才否。曰。慎刑賞。曰。明利害。曰。定法制。皆援證今古。可見行事。又曰。太祖除奸剔穢。抑強鋤梗。如醫去病。如農去草。去病急。或傷體膚。去草嚴。或傷禾稼。是故體膚病去。則宜調燮其血氣。禾稼草去。則宜培養其根苗。

勇于受過  
且頒行天  
下此乎揚  
日月而行

深有補于時云。○詔以監察御史尹昌隆奏疏頒示天下。時帝視朝稍晏。昌隆諫曰。昔太祖高皇帝鷄鳴而起。昧爽而朝。百官戒懼。故能庶績咸舉。天下乂安。陛下嗣守大業。正宜追繩祖武。兢業萬幾。未明求衣。日昃求食。常如不及。斯爲庶務。今乃日晏臨朝。群臣宿衛疲于伺候。曠職廢業。上下懈弛。臣恐播之天下。傳之四夷。非社稷之福也。上曰。昌隆所言。切中朕過。禮部可頒行天下。不惟使朕有過。人得而知之。且俾天下庶官咸能勤于趨事也。○故前軍都督府斷事高巍上書論時政。巍事母至孝。母老疾。巍奉湯藥不懈。母亡。瘞墓三年。于洪

武壬戌貢入太學以孝行旌尋授督府斷事上疏欲墜  
河南山東北平兵後荒田及抑末技慎選舉惜名器數  
事太祖以斷事不稱旨尋謫戍貴州帝卽位上疏乞歸  
田里知州王欽應詔辟巍赴銓曹巍上書論時政其畧  
謂各處親王固多驕逸不削則朝廷紀綱不立削之則  
傷親親之恩以臣愚見不當聽晁錯削奪之策當行主  
父偃推恩之令秦晉燕蜀四府子弟分王于齊兌楚湘  
齊兌楚湘子弟分王于秦晉燕蜀其餘遼谷代慶蕭等  
府比類而分王之少其力而分其地如此則藩王之權  
不削而自弱矣又曰願皇上待遇親王薄其貢而厚其

恩常盡親親之禮其賢者下詔褒賞之其驕逸不法者初犯則容之再犯則赦之三犯而不改者當合親王告大廟削其地而屈處之豈有不順服者哉未逾年北平兵起○召翰林學士宋濂孫懌為翰林待詔

上如郊壇以明年將有事于南郊故特至省往蒞謁嚴勅百官○吏部尚書茹瑞有罪免瑞居位日久多私親暱是月保舉人材皆非其人且有賊跡右都御史暴昭劾奏瑞貪鄙奉職無狀黃子澄亦議瑞有心計而無典術不宜居宰衡統百官遂令致仕瑞以此怨二人○十二月召齊王榑歸京師時齊王有異謀為其下所告命

之入朝赦不罪惟拘留之○召韓丕可爲右副都御史  
宜可初爲山西布政使坐累謫雲南爲人敦厚高潔持  
志廉慎時齊黃建議削奪諸王宜可言其當從寬大密  
加防範勿遽誅討後竟積事人知其爲老成特重之言  
未久宜可卒

皇明法傳全錄十一

終